

大明會典

大明會典卷之七十四

禮部三十二

傳制儀

國初太祀

天地前三日誓戒百官及遣官攝祭皆

御殿傳制具儀如左

誓戒儀

洪武二十六年定

凡大祀前三日陳設如常儀文武官各具朝服詣丹墀拜位鐘聲止儀禮司跪奏請陞殿樂作皇帝御華蓋殿具皮弁服出陞座樂止鳴鞭訖贊四

拜。傳制官詣

御前跪傳

制。由東門出。至傳制位。稱有

制。贊跪宣

制云。洪武某年正月某日。大祀

天地於南郊。闕文武百官。自某日為始。致齋三日。當  
敬慎之。傳訖。贊俯伏興。樂作。又四拜。平身。樂止。

奏禮畢

嘉靖九年續定

制曰。某年十一月某日。祇行大祀

皇天禮於園丘。爾文武百官。自今日為始。致齋三日。其宜精白乃心。益加敬慎之哉。

遣祭儀

洪武二十六年定

凡遣官祭祀。前一日。陳設如常儀。次日。各官具朝服於丹墀北向立。

皇帝御華蓋殿。具皮弁服。鐘聲止。執事官行一拜叩頭禮訖。儀禮司跪奏請陞殿。樂作。陞殿。樂止。捲簾鳴鞭訖。唱排班。班齊。百官一拜叩頭畢。分東西立。引禮引獻官詣拜位。贊四拜。平身。傳制官

詰

御前跪奏傳

制。俯伏興。由東門靠東出。至

丹陛東。西向立。稱有

制。唱跪宣

制。祭孔子。則曰。某年月日。祭先師孔子大成。命卿

行禮。贊俯伏興。樂作。四拜。樂止。禮畢

凡傳

制遣官代祀

歷代帝王并旗纛孔子等廟前一日沐浴更衣處

於齋宮。次日還宮。

嘉靖間更定祭孔子

制云某年某月某日祭

至聖先師孔子。命卿行禮。每三年遣道士齋祝文。  
香帛詣所在陵寢致祭。

制云某年某月某日祭

先聖歷代帝王遣爾等齋捧祝文香帛詣陵寢致  
祭。命所在有司行禮。

傳制樂與朝賀同

樂章

典祀之曲

氤氲滿庭香。八音絲竹弄笙簧。金石音韻彰。匏  
土草木度鏗鏘。高捧降明香。吾

皇誠念詣神方。神不佞禍淫福善理之常。

進春儀

同前儀

凡進春先期數日奏聞。欽天監遣官至順天府  
候氣屆期奏進。舊儀與見行微有不同。備列於  
左

洪武二十六年定

是日早。文武百官各具朝服於丹墀北向立。應

天府官置春案於丹墀中道之東。引禮引府縣官就拜位。贊鞠躬。樂作。四拜平身。樂止。典儀唱進春。引府縣官舉春案。樂作。由東階陞。跪置於丹墀中道。俯伏興。平身。樂作。又四拜。禮畢。鳴贊唱排班。引禮引文武官北向立。贊班齊。致詞。官詣中道之東。跪奏云。新春吉辰。禮當慶賀。贊鞠躬。樂作。贊五拜三叩頭訖。樂止。儀禮司奏禮畢。萬曆八年定。

先一日。鴻臚寺執事官設春案一張於

皇極殿外東



王門簷下。是日文武百官各具朝服侍班。執事官先詣

中極殿行禮如常儀。鴻臚寺堂上官跪奏請陞殿。導駕官前導。教坊司樂作。

上御皇極殿。陞座。樂止。錦衣衛傳鳴鞭。引入序班。引順天府等官先就拜位。鳴贊贊鞠躬。樂作。四拜興。平身。樂止。內贊立於東。

王門外。贊進春。引入序班。引順天府府尹至東。

王門外。鴻臚寺堂上官招呼起案。樂作。擺案序班舉春案至正門外簷下置定。樂止。引入序班引

府尹至案前立。內贊隨至簷下立。贊跪。鴻臚寺堂上官傳跪。外贊亦贊跪。內贊贊進春。府尹奏臣某等謹進某年春。又奏。

皇太后陛下春。

中宮殿下春。

某王殿下春俱在。

午門外伺候。請。

命司禮監官捧進。請。

旨承。

旨畢。內贊贊俯伏。鴻臚寺堂上官傳俯伏。外贊亦贊

俯伏樂作興平身樂止。引人序班將府尹引下。鴻臚寺堂上官招呼起案。擡案序班舉春案至原處置定。府尹仍入原班立。外贊贊鞠躬樂作。四拜興平身樂止。順天府等官退下侍立。對贊贊排班。班齊。文武百官入班立定。鳴贊贊跪。鴻臚寺堂上官一員於

丹陛中道跪致詞云。新春吉辰。禮當慶賀。致畢。起身。一躬由東邊門入殿內侍立。鳴贊贊俯伏樂作。興五拜叩頭興平身樂止。鴻臚寺堂上官殿內跪奏禮畢。傳贊禮畢。鳴鞭。

駕興百官退

進春樂 與朝賀同

有司鞭春儀

永樂中定。每歲有司預期塑造春牛。并芒神。並春前一日。各官常服。輿迎至府州縣門外。土牛南向。芒神在東。西向。至日清晨。陳設香燭酒果。各官具朝服。贊排班。班齊。贊鞠躬。四拜興。平身。班首詣前跪。衆官皆跪。贊奠酒。三奠酒訖。贊俯伏。興。復位。又四拜畢。各官執采杖。排立於土牛兩傍。贊長官擊鼓三聲。播鼓。贊鞭春。各官環擊。

土牛者三。贊禮畢。

**頒誥勅**

官貢人各詣班行。隨班跪。黃榜。宣讀。

近制文武官

誥勅於常朝日。

皇極門頒給。頒誥勅官具朝服行五拜三叩頭禮。與洪武間所定不同。今仍載舊儀備考。

洪武二十六年定

陳設如常儀至日

皇帝陞殿。鳴鞭。百官一拜叩頭畢。引禮引受誥官詣拜位。執事官舉

誥案於丹墀中道。或吏部。或兵部官奏訖。贊鞠躬。  
樂作。四拜。平身。樂止。執事官舉。

誥案置於丹墀中道。贊跪俯伏。興。樂作。又四拜。樂  
止。禮畢。

頒誥樂 與朝賀同

官員受誥封贈并焚黃儀

洪武中定

凡受

誥前一日。本家設

誥案於正廳中。設香案於

諸案之南。其日。綵亭鼓樂送。

如無綵亭。用簾帳。一人捧前行。受誥。

官前行。

誥將至。受封者即出大門外迎接。命婦服冠服迎。

於門內候。

誥與

即綵亭

入門。隨至廳前各就拜位。執事者於與

內捧

誥置於案。贊禮者贊鞠躬。五拜三叩頭。

如命婦則不必叩頭。

捧

誥入。受封贈并受誥官具香燭等物詣家廟或祠

堂告知。四拜訖。受誥官并命婦於父母前行四

拜禮○八年。令官員祖父母父母受封迎。

誥至家。祖父母父母。則與子孫各具服拜受。男子受於正廳。婦人受於中堂。如不存者。子孫拜受。擇日焚黃。

凡焚黃前一日受。

誥於本家祠堂中。設案卓一於中間。設香燭卓一於案前。置祝文於案。至日清晨。孝子捧封贈。誥命置祠堂中案上。著能寫人以黃紙一副。依誥命一般。謄抄置於案卓。執事者陳設祭物於案前。孝子等各就拜位。從祭子女列於後。贊禮者。



贊鞠躬。拜。興。拜。興。平身。至香案前。贊跪。上香。祭酒。亞祭酒。三祭酒。讀祝。執事者取祝文。跪於右。讀訖。贊宣。

誥。宣誥者立於東。宣訖。贊俯伏。興。平身。贊焚黃。讀祝者取祝文。宣誥者取黃。俱至焚所。焚燒。孝子酌酒。禮畢。

### 祝文式

維洪武某年歲次某甲子某月某朔某日孝子

子孫

致祭顯

某考散官之靈。某妣夫人之靈。

若靈在。寓。之。靈。若已除。靈入祠。堂。則。寓。神。

王追念音容不勝感慕。茲者欽蒙

聖恩追封顯

某考散官某姓夫人

謹於今日行焚黃禮。特備牲

醴告祭尚享

**開讀儀**

迎候聖駕於儀門外

朝廷頒命四方有

詔書有赦書有

勅符丹符有

制諭手詔。

詔赦先於闕廷宣讀然後頒行。

勅符等項。則使者齎付所授官員。秘不敢發。開讀

迎接儀各不同。具列於後。

洪武二十六年定

前期一日尚寶司設

御座於奉天殿設寶案於殿東錦衣衛設雲蓋於  
奉天門教坊司陳中和韶樂於殿內禮部設宣讀  
案於

承天門上西南向其日清晨陳設如常儀教坊司  
設大樂於

午門外

承天門外東西相向儀禮司設百官拜位於  
承天門外橋南校尉四人擎雲蓋於殿內前鼓

初嚴。文武百官各具朝服。鼓次嚴。引禮引公侯侍班於

午門外東西相向。鐘聲止。儀禮司跪奏請陞殿。皇帝服皮弁服。導駕官前導。中和樂作。陞座。樂止。鳴鞭捲簾。禮部官捧

詔書詣寶案前用寶訖。捧置雲蓋中。校尉擎執雲蓋由殿東門出。大樂作。自東陞降。由

奉天門。至金水橋南。

午門外樂作。公侯前導。迎至

承天門上。鳴贊唱排班。引禮引文武官就拜位。唱

班齊鞠躬。樂作。贊四拜。樂止。宣讀展讀官陞案。  
稱有。

制。贊衆官皆跪。禮部官捧

詔書授宣讀官。宣讀官受。

詔書。唱宣讀。宣讀官宣訖。禮部官捧

詔置雲蓋中。贊禮唱俯伏興。樂作。四拜。樂止。唱搢

笏鞠躬。三舞蹈。唱山呼。百官拱手加額曰萬歲。

唱山呼。百官拱手加額曰萬歲。唱再山呼。百官

拱手加額曰萬萬歲。凡呼萬歲。樂工軍校擊鼓。

齊聲應之。唱出笏俯伏興。樂作。四拜。興平身。樂

止。序班即報儀禮司。跪奏禮畢。禮部官捧  
詔書分授使者畢。

駕興。中和樂作。鳴鞭樂止。百官以次退。

嘉靖六年續定

前期一日。鴻臚寺官設

詔案。錦衣衛設雲蓋。雲盤於

奉天殿內東。別設雲盤於

承天門上。設絲輿於

午門外。鴻臚寺官設宣讀案於

承天門上。西南向。教坊司設中和樂及設大樂如

常儀。鴻臚寺官列百官班次於

承天門外橋南。是日。錦衣衛設鹵簿駕。百官各具朝服入丹墀內侍立。

上具冕服。御華蓋殿。鴻臚寺官引執事官進至

華蓋殿就次。行五拜三叩頭禮。贊各供事。鴻臚寺官奏請陞殿。樂作。導駕官導

上陞座。翰林院官先捧

詔書於

華蓋殿。從至

御座前。東立西向。樂止。鳴鞭。報時。雞唱。定時。鼓訖。唱

排班。文武百官入班。鴻臚寺官贊四拜。樂作。興樂止。百官出至。

承天門外伺候。鴻臚寺官舉。

詔案於殿中。贊頒。

詔翰林院官捧。

詔書授禮部官。禮部官捧。

詔書置於雲盤案上。校尉擎雲蓋。俱從殿左門出。

隆慶六年儀注。詔從殿左門出至  
皇極門。鴻臚寺即奏禮畢。駕興。

午門外。禮部官捧。

詔置綵輿內。樂作。公侯伯三品以上官前導。迎至。



承天門上。樂止。鳴贊唱排班。引禮引文武百官就拜位。樂作。贊四拜。樂止。唱宣讀。展詔官。陞案。稱有。

制。贊衆官皆跪。禮部官捧

詔書。授宣讀官。宣讀訖。禮部官捧

詔書。置雲盤中。贊俯伏。興。樂作。四拜。樂止。搢笏。鞠躬。三舞蹈。唱山呼。萬歲者三。唱出笏。俯伏。興。樂作。四拜。興。平身。樂止。序班報鴻臚寺官。跪奏禮畢。

駕興。百官以次出。禮部官捧

詔書授錦衣衛官。置雲匣中。以綵索繫於龍竿。頒降。禮部官捧。

詔書置於龍亭內。鼓樂迎至禮部。授使者頒行天下。

開讀樂

與朝賀同

迎接詔赦儀

洪武中定

凡

朝廷遣使各處開讀

詔赦。如至開讀所。本處官員具龍亭綵輿儀仗鼓

樂出郭迎接朝使下馬取

詔書。立龍亭中。南向。朝使立於龍亭之東。本處官具朝服北面。行五拜禮。衆官及鼓樂前導引。朝使上馬。在龍亭後行。至公廡門外。衆官先入。文武官分東西序立。候龍亭至公庭中。朝使立於龍亭之東。西向。如有出使官員。贊者先唱曰。出使官行禮。禮生引出使官。於公庭露臺上行五拜禮畢。於露臺之上東向立。贊衆官排班。有武官處文東。武西排班。如無武官處。文官依次左右排班。班齊。樂作。贊四拜禮。朝使捧

詔授展讀官。展讀官跪受詣開讀案宣讀。出使官於露臺北向跪。衆官皆跪。宣讀訖。開讀官捧詔授朝使。朝使捧

詔置龍亭中。衆官俯伏興。四拜。三舞蹈。跪。山呼者三。俯伏興。四拜。禮畢。本處官班首詣龍亭前跪問。

聖躬萬福。朝使鞠躬答曰。

聖躬萬福。衆官乃退。易服而見朝使。行兩拜禮。朝使答禮。禮畢。本處官復具社樂送。

詔於官亭。

凡遇有

詔書禮部差人齋往各處開讀所差人員必預先教其捧

詔進退禮儀

凡使者欽齋

詔書至各處開讀預期一日報知本處官司照依已降儀式迎接行禮

凡使者欽齋

詔書至總兵官處近營十里先令人報知總兵官設香案於營內南向列金鼓旗仗率領諸將出

營迎接。見使者下馬。立於道傍候。

詔書過。總兵官并衆官上馬後從。至營門外。各下馬。使者前行。總兵官并衆官後從。至營內。使者捧

詔書以授宣讀官。衆官皆跪。宣讀畢。以授使者。復置於案。衆官皆俯伏。興平身。行四拜禮。禮畢。使者東立。西向。總兵官西立。東向。行兩拜相見禮。畢。使者居東。總兵居西。相向敘坐。

凡遇

詔敕經過道路。官員軍民人等。即於道傍俯伏候。

詔赦過畢方起

凡出使在外如遇

詔赦到各處出迎郊外與本處官一同隨班行五  
拜三叩頭禮有職者隨品序列無職差使人便  
服隨具服班之後不許撓越行禮畢同本處官  
導龍亭至衙門中隨大班依上項班次行禮

迎接詔赦官班儀仗行次圖

橫瓜鉞斧瓜撻劔令旗鼓樂武官耆儒甲士鼓角金鼓旗

天丁 天丁 天丁 天丁

龍亭 香案

天丁 天丁 天丁 天丁

橫瓜鉞斧瓜撻劔令旗鼓樂武官耆儒甲士鼓角金鼓旗



開讀詔赦文武官拜位圖式

橫瓜鉞斧瓜起劍令旗鼓樂丹墀

紋用金鼓旗  
僧道甲士  
主員史典者

卒

使位  
贊禮

龍亭

禮贊

橫瓜鉞斧瓜槌劍令旗鼓樂丹墀

千戶總小  
旗甲士鼓角  
金鼓旗

千百戶總小  
旗甲士鼓角  
金鼓旗

迎接勅符制諭儀

洪武間定

凡使者欽齋

勅符丹符到處多係機密重事。不許先期報知。亦不許本處官司迎接。使者與衆官直至本衙門關看。置

勅符於案。使者立於案東。衆官四拜。使者取符宣讀訖。復置於案。衆官再行四拜禮畢。本處官遂與使者行禮。若與一二人止於本家接符。從便安放。使者以符授本官。本官叩頭開看畢。乃與

使者行禮

凡使者欽齋

制諭勅符手詔至總兵官處。干係機密軍務。經過去處。不許報知。本處官司亦不許迎接。徑至總兵官營外。先密遣人報知。總兵官設香案於兵幕南向。總兵官親出營迎接。使者下馬。捧制諭勅符前行。總兵官後從至兵幕。使者取制諭勅符置於案。使者立於案東。西向。總兵官行五拜禮。禮畢。悉令屏去左右。使者取

制諭勅符親授總兵官。開看畢。即收卷。復置於案。

使者東立。西向。總兵官西立。東向。行兩拜相見禮畢。使者居東。總兵官居西。相向敘坐。

凡總兵官奉

命征討。遇使者齎到。

制諭勅符手詔。依儀行禮。即便依

旨奉行。如有應合復奏事理。隨時具奏請

旨。不許遲延。方

命。違則如律。

進書儀

進書儀惟

實錄最重。

上具袞冕百官朝服進表稱賀其餘纂修書成則以表進重錄書及

玉牒止捧進儀各列於後

進實錄儀

永樂元年定

前一日設香案於

奉天殿丹陛之中表案於

丹陛之東錦水衛設鹵簿駕教坊司設中和韶樂及大樂如常儀設寶輿於

奉天門。是日早。史官捧

實錄置其中。

上御華蓋殿。具袞冕。鴻臚寺官奏執事官行禮。贊五拜。奏請陞殿。導駕官前導。樂作。

上御奉天殿。樂止。文武官各具朝服。詣丹墀分左右侍班。鴻臚寺官導引實輿至。

丹陛上。史官舉

實錄置於案。史官入班。鴻臚寺官奏進

實錄。序班舉

實錄案。以次由殿中門入。班首由左門入。

上興。序班以

實錄案置於殿中。班首跪於案前。贊史官皆跪。序班并內侍官舉

實錄案入

謹身殿置於中。

上復座。贊俯伏。班首俯伏。興復位。贊四拜。贊進表。序班舉表案。由左門入。置於殿中。贊宣表。贊衆官皆跪。宣訖。贊俯伏。興。贊四拜。興。進實錄官退於東班侍立。文武百官入班。鴻臚寺官奏某官臣某同文武百官恭遇。

太祖聖神文武欽明啓運俊德成功統天大孝高皇帝。

孝慈昭憲至仁文德承天順聖高皇后實錄纂成羣臣懼忤禮當慶賀宣訖各官四拜興贊有制史官仍入班贊跪宣

制云

太祖聖神文武欽明啓運俊德成功統天大孝高皇帝。

孝慈昭憲至仁文德承天順聖高皇后功德光華纂述詳實朕心懼慶與卿等同之宣訖俯伏興三



舞蹈。山呼。又四拜。禮畢。

萬曆五年續定

前一日。設表案於

皇極殿丹陛之東。設

實錄案於丹墀中。教坊司設中和韶樂及大樂。如常儀。設寶輿香亭表亭於史館前。是日早。錦衣衛設鹵簿駕。

上御中極殿。具衮冕服。文武百官具朝服侍班。監修總裁纂修等官具朝服至館前。監修官捧表置表亭中。纂修官捧

實錄置寶輿中。鴻臚寺官導迎。

實錄寶輿香亭。用鼓樂繖蓋由

會極門下埧至橋南。由中道行。表亭監修總裁等官後隨。由二橋行至

皇極門。

實錄寶輿香亭由中門入。表亭監修總裁等官由左門入。至丹墀案前。監修官捧表由東

王階陞。置於表案由東北邊下。纂修官捧

實錄置於案。樂作。寶輿香亭鼓樂繖蓋俱退。監修總裁等官侍立於石墀東。內殿鴻臚寺官奏執事。

官行禮。贊五拜三叩頭訖。奏請陞殿。導駕官前導。樂作。

上御皇極殿。樂止。鳴鞭。監修總裁等官入班。班列石墀上。鴻臚寺官奏進。

實錄。樂作。序班舉。

實錄。案。以次由中道陞至殿門外。

上興。序班舉。

實錄。案。由中門入。置於殿中。樂止。班首由東北邊階陞。自東邊門入。跪於案前。贊總裁等官皆跪。樂作。內侍官舉。

實錄案入內殿置於中。

上復座。樂止。贊俯伏。班首及總裁等官皆俯伏。樂作。  
興。平身。樂止。班首復位。贊鞠躬。樂作。贊四拜興。  
平身。樂止。贊進表。樂作。序班舉表案置於殿中。  
樂止。贊宣表。贊衆官皆跪。鴻臚寺官展表宣訖。  
贊俯伏。興。樂作。贊鞠躬。四拜平身。樂止。進實錄。  
官退於石墀東侍立。贊排班。文武百官入班。贊。  
班齊。贊跪。鴻臚寺官致詞云。文武百官某官臣  
某等恭惟。

世宗肅皇帝神功聖德纂述成書。光華萬世。羣臣懽

忭。禮當慶賀。贊俯伏。興。贊鞠躬。樂作。贊四拜。興。平身。樂止。贊有。

制。進實錄官。仍入百官班。贊跪。宣。

制云。

世宗肅皇帝功德配天。紀述詳實。朕心懽慶。與卿等同之。宣訖。贊俯伏。樂作。興。平身。樂止。贊揖。躬。鞠躬。三舞蹈。贊跪。山呼萬歲三。贊出笏。贊俯伏。興。樂作。贊鞠躬。四拜。興。平身。樂止。禮畢。次日。司禮監官自內殿送。

實錄下殿。仍置寶輿中。用繖蓋。與監修總裁副總裁。

官同送至

皇史宬尊嚴

進重書訓錄儀

嘉靖十五年定

前一日鴻臚寺設

寶訓

寶錄案於丹墀中設寶輿香亭於史館前教坊司設中和韶樂及大樂如常儀是日早錦衣衛設鹵簿駕史官具朝服至館捧

寶訓

實錄置寶輿中。鴻臚寺官導迎。

寶訓

實錄寶輿用鼓樂繖蓋從東廊北行由

左順門外引由橋南中道行。史官後隨由二橋行

至

奉天門階下。由左門入至丹墀案前捧

寶訓

實錄置於案。樂作。候香亭寶輿退。

上御華蓋殿。鴻臚寺官奏執事官行禮贊五拜。奏請

陞殿導駕官前導。樂作。

上御奉天殿樂止。鳴鞭。文武百官各具朝服侍班。史官入班贊四拜。樂作。興平身樂止。鴻臚寺官奏進。

寶訓

實錄樂作序班舉

寶訓

實錄素以次由中道陞班。首官由左階陞至殿門外。上興序班以

寶訓

實錄素置於殿中。樂止。班首官跪於案前。贊史官皆



跪樂作。內侍官舉

寶訓

實錄案入

華蓋殿。

上復座。贊俯伏。班首及史官皆俯伏。興平身。樂止。班首復位。贊鞠躬。樂作。贊四拜。興平身。樂止。史官退於東班侍立。文武百官入班。贊五拜三叩頭。興平身。樂止。禮畢。次日早鴻臚寺官詣

華蓋殿請

寶訓

實錄於寶輿內。執事者舉輿由殿中門出。鼓樂前導。監錄等官并司禮監及各監內侍官後從由。

奉天門

左順門

東華門至

皇史宬門外。

欽遣官以次捧

太祖高皇帝訓錄及捧

列聖訓錄各尊藏於金櫃內。不掩恭候。

上親臨閱視闔。畢。各官以次列階下。行叩頭禮。

進玉牒儀

弘治三年定

前一日內執事官設

御案於文華殿內稍東是日早朝退。

上御文華殿鴻臚寺官設

玉牒案於

左順門內當中翰林院官捧

玉牒置於案序班二員舉案鳴贊二員前導錦衣

衛官設傘蓋隨案行由

文華門中門入翰林院進玉牒官後隨從二門入

至

丹陛上進王牒官序列於前序班舉

王牒案由殿中門入置於殿中出鳴贊贊四拜畢  
序班從左門入舉

御案進

上前出進王牒官一員從右門入捧

王牒展於

御案俟

上覽畢仍捧

王牒置於前案出就班序班由左門入徹

御案仍置殿內稍東。出。鳴贊贊四拜禮畢。退。內執事

官收所進

玉牒

修玉牒。起於正統年。進至牒。舊於文華殿。至正德以後。改於奉天殿。萬曆四年。仍復舊制。

纂修書籍進呈儀

前一日內執事官設

御案於文華殿內稍東。至日早朝退。

上御文華殿。鴻臚寺官設表案一書案一於

左順門內當中。纂修官捧表并書各置於案。鴻臚

寺官四員舉案二員前導。錦衣衛設傘蓋二。昇

隨案行由

文華門中門入。纂修官後隨。從二門入。至

丹陛上。鴻臚寺官舉表與書案。由中門入。置於殿  
內正中。出。贊四拜禮畢。鴻臚寺官二員從左門  
入。舉

御案進

上前。出。贊進表。纂修官一員從右門入。取表進

上前展表。俟

上覽畢。收表置於前案。贊進書。纂修官取書進

上前展書。俟

上覽畢。收書置於前案。出就班。鴻臚寺官六員由左門入。二員徹

御案。四員徹表與書案。各置於殿內東西。贊四拜禮畢。退。內執事官收所進表并書。

大明會典卷之七十四

大明會典卷之七十五

禮部三十三

表箋禮式

國初定制。凡進賀表箋。

親王於

天子前。自稱曰第幾子某王某。稱

天子曰

父皇陛下。稱

皇后曰

母后殿下。若孫則自稱曰第幾孫某封某。稱

天子曰



祖父皇帝陛下。稱

皇后曰

祖母皇后殿下。若

天子之弟。則自稱曰弟。我弟某封某。稱

天子曰

大兄皇帝陛下。稱

皇后曰

尊嫂皇后殿下。若

天子之姪。則自稱曰弟。我姪某封某。稱

天子曰

伯父皇帝陛下。

叔父皇帝陛下。稱

皇后曰

伯母皇后殿下。

叔母皇后殿下。若封王者其分居伯叔及伯叔祖之

尊則自稱曰某封臣某稱

天子曰

皇帝陛下。稱

皇后曰

皇后殿下。若從孫再從孫。三從孫自稱曰從孫某封

某再從孫某封某三從孫某封某稱

皇帝曰

伯祖皇帝陛下。

叔祖皇帝陛下。稱

皇后曰

伯祖母皇后殿下。

叔祖母皇后殿下。至嘉靖間始令各

王府進賀表箋但用

聖號不許用家人禮。至今遵行。凡表箋有定式。進表  
箋有儀具列於後

進表箋儀

王府進表箋儀凡  
王國禮

洪武間定

凡在外衙門進賀表箋前期一日結采於公廨  
及街衢文武官各齋沐於本衙門內宿歇其日  
清晨設龍亭於庭中設儀仗於庭外露臺上之  
東西設鼓樂於露臺南之東西北向設表箋案  
於龍亭前設香案於表箋案前設進表箋官位  
於龍亭之東鼓初嚴各官具服鼓次嚴引禮引  
班首具服詣香案前滌印用印訖以表箋置於  
案班首退於幕次鼓三嚴各官入班贊禮唱班

齋鞠躬。樂作。四拜。平身。樂止。唱進表。引禮引班首由東階陞詣香案前。贊跪。傳贊衆官皆跪。唱搢笏。班首搢笏。執事者以表箋跪授班首。班首跪授進表箋。官進表箋。官跪受表箋。置龍亭中。贊內外官俯伏。興。班首復位。贊禮唱鞠躬。樂作。四拜。平身。樂止。唱搢笏。鞠躬。三舞蹈。跪。山呼者三。唱出笏。俯伏。興。樂作。四拜。平身。樂止。金鼓儀仗鼓樂。首官具服前導。進表箋。官在龍亭後靠東行。至郊外。置龍亭。南向。儀仗鼓樂陳列如前。儀文武官東西侍立。班首取表箋授進表官。進

表官就於馬上受表即行百官以次退

凡進表箋洪武二十六年定

天壽聖節在外五品以上衙門止進表文一通正旦

冬至拜進

皇帝表文。

中宮箋文。

東宮箋文各一通在外各

王府并各布政司按察司及直隸府州表箋俱各  
差官齎進禮部各州表箋進於各府各府進於  
布政司其餘五品以上衙門隸布政司者亦進

於布政司。布政司差官類進禮部。其各都司及直隸衛所差官。齎進五軍都督府。至日。禮部官以各處所進表箋。具通類奏聞。○正統間。今天下諸司進賀表箋。非職官不得遣。

萬壽聖節。三司堂上官自進。冬至等節。許差本司首領官及所屬府州衛所佐貳官進。○弘治十七年。奏准。今後天下都布按三司慶賀表箋。除

萬壽聖節。照例差委堂上官齎進外。其餘冬至等節。如果堂上官差官。照例於本司首領官及所屬府縣衛所佐貳官員內差委。不許濫差雜職官。

員齋進○嘉靖四年奏准遼東苑馬寺係裁減衙門。

萬壽聖節等表文。只差主簿等官齋進

表箋式

聖節正旦冬至親王上表

洪武間定

第某子某王某。

今作某王臣某

誠懽誠忭稽首頓首

上言。伏以

皇天眷命。統馭萬方。

聖治神功。臣民懽戴。恭惟



皇帝陛下。

續承

列聖奉

天勤民是以

本支繁盛而

宗社永安也。臣某恪守藩邦。忻逢

聖旦。

正旦。長至。心馳遙

賀。敬仰

紫宸祝

聖壽於萬年。同

天長而地久。無任瞻

天仰

聖。激切屏營之至。謹奉

表稱

賀以

聞

太皇太后壽旦。正旦。冬至。親王上表

弘治初定

伏以

天祐

皇明衍慶源於萬世。位高

宸極。溥德澤於八紘。臣庶懽忻。華夷仰戴。恭惟  
聖慈。仁壽太皇太后陛下。

睿知聰明。

齊莊中正。同任如之至聖。輔文武之治功。

德化昭明。

謀謨廣大。是以

宗社尊安。

本支隆盛。而建家國天下悠久之福也。臣某叨守  
外邦。茲逢

聖旦。正旦。長壽。謹秉誠心。馳遙

賀於

九重。祝齊

天之萬壽。無任瞻

天仰

聖。激切屏營之至。謹奉

表稱

賀以

聞

皇太后壽旦正旦冬至親王上表

羣臣同

弘治初定

伏以

景運弘開。

重熙累洽。實資坤德之懿。允開

邦本之隆。海內臣民。不勝懽戴。恭惟

皇太后陛下。

聰明端淑。

恭儉慈祥。夙贊理於

宮闈。克迓承於

天眷。遂啓嗣統之瑞。聿興致治之光。是以誕膺

徽號而享盛福於悠久也。臣某親王。叻守外邦。忻逢

令旦。正旦。仰

九重而拜

賀祝

萬壽以維期。無任瞻仰激切屏營之至。謹奉

表稱

賀以

聞

聖節正旦冬至羣臣上表

洪武間定

某衙門某官臣某等誠懼誠忤稽首頓首。  
上言。

伏以

天佑下民。四時序而風雨時。五穀熟而人民育。恭惟  
皇帝陛下。

承

天受命。

君師宇內。相以奠之。和以安之。是以克享  
天心。永膺

寶曆。

大一統文明之治

開萬載太平之基

後改為溥仁恩於四海建太平於萬年

臣某等

遇

明時忻逢

聖旦

正旦長至

有政司用驛守承宣府州職在牧民按察司職守憲綱監運司職在監司都司

職總戎衛所職守藩維土官衙門職守邊夷心馳遙

賀仰

紫宸而三祝祈

聖壽以齊

天無任瞻



天仰

聖激切屏營之至。謹奉

表稱

賀以

聞

太皇太后壽旦正旦冬至羣臣上表

成化間定

伏以

運啓

皇明。

德隆坤載。茂衍慶源之序。昭宣化理之基。中外騰  
懽。臣民仰戴。恭惟

聖慈仁壽太皇太后陛下。

齊莊貞靜。

中正仁慈克相

先皇而續後之功。益大用興

聖嗣而治平之道維新。

光被八紘。

祥開萬世。是以誕膺天下之至養。而安享尊榮之

多福也。臣某。

叨守外邦。職守藩維。祈逢

聖旦。正旦。仰

宮闈之深遠。祝

聖壽於久長。無任瞻仰。激切屏營之至。謹奉

表稱

賀以

聞

羣臣謝恩表

洪武間定

某衙門某官臣某某年月日。

欽蒙

給賜某物。謹奉  
陞授某職。

表稱

謝者。臣某誠懼誠忤。稽首頓首。

上言。伏以

聖恩敷布。廣大如

天。凡在臣民。均霑雨露。恭惟

皇帝陛下。

聖神文武。

治同百王。春育海涵。兆民忻戴。是以

天心永眷。而基業愈昌也。臣某等深蒙

恩寵。補報是圖。惟堅葵藿之誠。上祝

萬年之壽。無任瞻

天仰

聖。激切屏營之至。謹奉

表稱

謝以

聞

以上并用小字真書。其署名加小。表文前上面貼黃帖一方。如印大帖。下用印黃帖上所書。如聖壽寫進賀

聖壽表文。正旦寫進賀。正旦表文。冬至寫進賀。冬至

表文謝

恩寫進上謝

恩表文。末後年月日上亦用印。封皮上用黃帖。上所書如前。黃帖下用印。印下寫具官臣某上進謹封。於上進謹封字上用印。副本用手本。小字真書。後年月日上用印。黃綾表褙。祔匣。

中官壽旦正旦冬至親王上箋

羣臣同

宣德間定

伏以

天眷

聖明萬年盛業。

中宮正治協相

洪猷敬惟

皇后殿下。

懋嗣徽音。

弘昭令範。

仁慈施於官壺。

懿德著於邦家。是以

宗廟壽安而

本支蕃衍也。臣等宗室屬籍親忻逢

宗室屬籍親忻逢  
潘壽臣見前

壽旦。止旦。長至。肅班行而敬拜。祝

寶算以齊

天。無任瞻仰。激切屏營之至。謹奉

箋稱

賀以

聞

東宮千秋節正旦冬至親王上箋

伏以

天眷

皇家茂隆



大本。

前星協應。四海歸心。敬惟

皇太子殿下。

天賜英資。日新聖學。

懋德祇承於

謨烈。

重明翊贊於治平。是以

宗社尊安。臣民咸戴也。臣某奉守藩邦。忻逢

誕辰。正旦。仰  
長至。

春宮而稱

頌祝

壽算於千秋。無任瞻仰。激切屏營之至。謹奉

箋稱

賀以

聞

東宮千秋節正日冬至羣臣上箋

伏以

皇天眷佑。

景運弘開。

大本益隆。臣民忻戴。敬惟

皇太子殿下。

寬仁毓德。

敬謹存心。嗣承萬世之洪圖。寅奉重熙之

寶曆。是以貞符協應。萬邦永寧也。臣某等職守藩

維。忻逢

今日。

正旦。長至。

仰望

前星。敬祝

千秋之壽。無任瞻仰。激切屏營之至。謹奉

箋稱

賀以

聞

以上書寫署名印封。皆與表同。但易箋文并紅帖。紅綾祇匣。

凡表箋。洪武間令止作散文。不許循習四六舊體。務要言詞典雅。不犯應合迴避凶惡字樣。仍用朱筆圈點句讀。表用黃紙箋。用紅紙為函。外用夾板夾護。拜進并依見行儀式。○又今進表箋及一應文字。若有

御名

廟諱。合依古二名不偏諱。嫌名不諱。若有二字相連。

者必須迴避。寫字之際不必缺其點畫。○二十九年。以天下諸司所進表箋多務奇巧。詞體駢儷。令翰林院撰慶賀謝。

恩表箋成式。頒於天下諸司。令如式錄進。○正統間。奏准。凡表箋字畫俱用洪武正韻寫進。

大明會典卷之七十五